

海州文獻錄卷二

州人許喬林編輯

羣山錄

謹案唐志所載海州之山凡一百十二較舊乘增多四十有奇然如沐陽之武都山尙漏甄采贛榆之吳山沐陽之馬嶺山雖已采入而未引魏書地形志此酈善長所謂年代荒邈陵谷異名者今據史以補其闕道光壬辰乙未兩江總督陶文毅公按部海州登雲臺之巔遂陟高公壘題名磨崖復改白虎山爲鼇頭山祝多士登

海州文獻錄

卷二

羣山

一

瀛焉昔晉之鄒湛稱羊太傅令聞令望當與峴山俱傳若文毅公之澤徧三江再造淮北其令聞令望初不藉此山以傳也而海隅之珂岑瑰阜將藉公而益彰矣輯羣山錄第二

鼇頭山在州治西南一里舊名白虎山一名白壁山道光乙未夏四月兩江總督陶文毅公閱兵海上改名鼇頭山賦詩紀之

新
增

陶澍鼇頭山詩

有序
詩帖

海州城西有白虎山其名弗馴或稱白壁亦弗肖余諦視之實類鼇然爰取曉策扶桑之意更

其名曰鼇頭以鎮海疆兼爲多士登瀛之兆
地接瀛洲近山應戴巨鼇憑將綸五色一釣海天
高

胸山在州治南四里山巔雙峰列峙故老相傳爲

秦東門遺趾

金党懷英胸山驛亭阻雨

竹溪集

脫葉蕭蕭山木稠連檣飄汎海蓬秋浪回胸島馮
夷舞雲暗蒼梧帝子愁欲往未行淹僕馬乍來還
去羨鷓鴣景疏樓下無邊水暫濯塵纓可自由

党懷英胸山弔石曼卿

竹溪集

海州文獻錄

卷二

羣山

二

城頭山色翠玲瓏尙憶清狂肆飲翁鐵馬冰車斷
遺響桃花石室自春風平生詩價千鈞重身後仙
遊一夢空想見蓬萊水清淺芙蓉城闕五雲中

党懷英胸山道中

竹溪集

二年三到水雲鄉瘦馬凌兢怯路長野雪未乾春
未雨紙鳶飛起暗塵黃

吳歌楚語海山間織葦苦孤便自安已作稻塍猶
未種小溝流澀水車乾

海路東南萬壑傾青山孤起壓重城驛亭春半餘
寒雪牆角無人草自生

國朝曾燠胸山懷古

賞雨茅屋詩集

東門萬古旭光開曾屬嬴秦幾日來赫赫神人鞭
巨石茫茫僊客訪蓬萊祇言外戶關長慮誰識蕭
牆有禍胎碑字消磨陵谷變如今表海是雲臺

凌廷堪秦東門銘

有序
校禮堂集

海州南四里胸山上有雙峰如削俗呼馬耳峰
志地者咸以是爲秦東門之遺趾按史記秦始皇
皇帝本紀三十五年立石東海上胸界中以爲
秦東門漢書地理志胸縣屬東海郡秦屬薛郡
太平寰宇記古盧王城在海州胸山縣西九里

海州文獻錄

卷一

羣山

三

卽漢胸縣以諸書攷之所謂秦東門者蓋信而
有徵焉當立石時秦并六國方十年取天下以
力得聖人之威盛矣哉前十年滅齊遷齊王建
於共又前二年滅楚以其地置楚郡又前二年
灌大梁滅魏殺魏王假又前一年滅燕拔薊又
前三年克邯鄲滅趙虜趙王遷又前一年滅韓
以其地置潁川郡六王之寶貨悉輦於咸陽九
州之地圖皆上於丞相於是東封泰山西巡隴
右北之碣石南浮衡湘作阿房之宮徐雲陽之
道雜燒先王之詩書以愚黔首聚銷海內之鋒

鍤以弱赤縣以禹貢之五服爲不足法而欲遠
開之以職方之九畿爲不足憑而欲斥大之其
志可謂荒矣其心可謂侈矣顧乃爲門於東海
之濱立石於胸山之上亘千古者僅傳其一表
四極者尙闕其三其義未聞厥故安在蓋謂臨
洮之境未暨於流沙華陽之封未逾於黑水九
原上郡控朔漠者未滅匈奴百粵閩中扼炎荒
者未夷甌越雖五嶺之戍險不可踰萬里之墉
堅不可拔然而未迄羲和之所入是纏次更有
遺天未盡章亥之所窮是坤維匪無餘地也將

海州文獻錄

卷二

羣山

四

蓄其願以俟異日歟抑引其緒以待後人歟皆
未可知也豈知日馭再周天命已訖宮東晚出
山鬼聞鮑魚之腥妖壁晝遺海神迎祖龍之駕
鹿馬變於永巷鴻鵠呼於大澤望夷之血方喋
軹道之頸旋繫函谷自若羣雄交鬪於山東武
關依然真人歛翔於灞上悲夫地甫定其犬牙
基遂棄夫鶉首剛極則折堅極則缺有由然矣
且夫金闕啟於降王玉璽歸於庶姓泗水之鼎
已沒洪波嶧山之碑已焚野火而雙石之峙東
門之名閱千年而不改昔者熊豹遁逃今者狐

狸叫號昔者列辟震盪今者羣豎偃仰是可慨也陸士衡弔魏武帝文有云長筭屈於短日遠跡頓於促路又云智慧不能去其惡威力不能全其愛茲之所感亦猶是焉乾隆戊戌歲余遊其地憑眺遺址徘徊故墟其迴天倒日之概拔山超海之勢至今猶想見云向使赤帝不興素靈不死徐市之船可至盧生之藥可成必盡收馮夷天吳以爲臣妾改蓬萊方丈以爲郡縣豈第秦東門而已哉爰爲之銘其辭曰

胸嶺巖巖海波渾渾有石卓立曰秦東門俯蟠地

海州文獻錄

卷二

羣山

五

軸仰極天根歷千百載厥蹟尙存維彼始皇氣吞宇宙烹滅侯王若豺逐獸六合作宮九寓爲囿不師往古取世大詬邦畿千里前王所營國門十二譏而不征分土列爵垂拱觀成奈何恃力以海爲程當其建時雷電揮霍五丁齊驅百靈具作遺黎彫敝疲氓孱弱匪役鬼神疇歟斧鑿虎視八極泯沒無聞區區片石曾何足云苔蘚溜雨藤蘿挾雲後有過者視此銘文

雲臺山卽古郁洲山道光壬辰乙未陶文毅公兩

陟其顛己亥夏陳芝楣制軍亦以閱伍視齟之暇

登峰題詠後先輝映爲名山增色焉

曾燠郁洲山吟

賞雨茅屋詩集

嘗聞三神山船去輒引還我今策馬直上扶桑顛
東海揚塵信如此人生霜鬢何由元山半天風浩
呼洵我身忽與山俱湧人言海徙千丈餘巖石猶
爲怒濤動九龍蜿蜒出雲際山中有九龍礮草木餘腥帶
潮氣當年鼇戴尙欲流秦帝飛橋豈能至霞梯爲
我接金闕爲我開回首秦東門渺乎如甕坏昔爲
絕壘今近縣盧生徐福眞凡材夜就三元殿前宿
星辰逼近虛堂肅簫鸞笙鶴忽滿空絳節霓旌隱

海州文獻錄

卷二

羣山

六

紛屬僊官此時朝帝所海底雲霞爛初旭不知下
界方何如擾擾浮生夢猶熟浮生一夢成古今蓬
萊之波淺復深山上定生不死藥逝當荷鍤窮幽
尋仙官兄弟知我心

唐仲冕奉檄重至海州十二首之一

陶山詩錄

勾當營田踏澗滕海雲招我上峻嶒客都來赴銅
魚約老尚能騎鐵獺登頗喜規模新梵宇還思香
火舊山僧恍如昔日祈羣望雷雨秋生午夜燈
陶澍壬辰四月念六日偕鄒公眉謝墨卿暨諸同

事登東海雲臺山作

石刻

振衣直躡蒼梧上

水經注此山從蒼梧飛來故上有南方草木

萬里瀛

雲鬱此臺眼底地形三島在域中山勢兩條來黃

流一氣包淮海青頂雙峰挾雨雷

極高為青峰頂又有金牛頂

傳與鸞鳩應一笑十洲風景信悠哉

石級層礮手厯捫剛如靈岳訪天孫

階級比岱頂之天門尤峻

山空一任雲今古潮遠能迴日曉昏每怪齊人夸

北海浪傳秦帝表東門江河路奠朝宗永可是鼇

維此柱尊

曾聞舶禁限當年畫地拋荒事偶然

順治十八年以海禁畫此

山置界外徙其民於內地康熙中復之

都郁久知洲卽島

此為都洲

海州文獻錄

卷一 羣山

七

水經注謂之郁洲

桑麻今變鹵為田

乾隆中海漲東徙百餘里遂為岸

卻

緣王海疏禹筮欲引神山渡願船

淮北商運疲敝擬改行票鹽之

法聽民販自便

澤鴈歸來雉雉滿早粦香送午風宣

半生自慨牛馬走長嘯忽聞鸞鳳聲海闊天空有

斯境水流花開無世情逕思結伴拾瑤草可許上

仙貽玉英夕濟郁洲儻能賦述初何日遂鴻征

崔季

珪述初賦吾夕濟乎郁洲卽謂此山

陶澍重登雲臺山

陶文毅公集

又踏金牛頂上行海風飛舄上蓬瀛蛟龍瀑外晴

猶挂雞犬雲中夜有聲為訪仙人尋舊榻喜偕詞

客證初盟長松迳路三年別卻笑公髯雪已盈

陳鑾偕同人登雲臺山和雲汀制府原韻

詩帖

蒼梧飛到是何年萬古靈光獨巋然法物不誇三代後清遊多在六朝前泉源重計關天下山海雄風倚日邊永奠洪流欽

聖慮果教斥鹵變桑田

東海崔巍第一樓一番來作兩番遊騰身鵬背諸天近放眼鼇維大地浮五色日輪高處捧千層嵐翠坐中收伊誰劔倚摩雲嶺更倚摩雲最上頭砥柱能迴大海瀾蒼生頰首託平安虬龍霧結千

海州文獻錄

卷二

羣山

八

重葢雕鶚風高十八盤百道飛泉來枕上一聲清磬落雲端天邊試展經綸手定有珊瑚拂釣竿海上旌旗照眼明清笳吹過鳳凰城欣看手挽三千弩愧說胸藏百萬兵孝婦叢祠荒蘚碧將軍舊壘暮雲平石梁夜夜占虹氣付與東南一柱擎

陳鑾雲臺山再和雲汀制府原韻

詩帖

地軸迎潮開日觀天風扶我上雲臺五更人影聽雞舞萬派霞光照海來到眼空明無芥蒂驚心寤寐有風雷不須孔望殷勤望富教於斯庶矣哉參斗當檐近可捫衆峰羅列儼兒孫鴻濛早闢三

元勝蜃氣全開六合昏點滴靈泉涵石室分明大
道接天門百川到此都歸壑俯仰應知定一尊
沙隄接引幾經年疏傳高風一憬然大樹原依山
作鎮太平眞見海成田心承沆瀣三霄露日極滄
瀛萬里船豈爲物華耽眺詠

九重

恩意待敷宣

福地登臨緣豈偶宗風井里應同聲一家眷屬成
仙佛萬里圓靈見性情傳說南方多異卉親從東
海得奇英景行處處懷前哲又指鴻飛慶彙征

海州文獻錄

卷二

羣山

九

謝緣山凌仲子先生謂卽今鳳凰城外社林山

凌廷堪登謝祿山觀海

有序
校禮堂集

宋樂史太平寰宇記東海縣有謝祿山在縣西

一里按今鳳凰城卽宋東海縣故城山在城西

一里與記合其爲謝祿山無疑

按凌君之說亦
未覈詳考證錄

士人呼爲社林山蓋聲之轉也乾隆乙未同章

酌亭程瀛仙許來峰來游賦此紀之

陽侯驅濤天外來巨浪倒蹴青天開瀆淪一氣望
不辨喧闐白晝生風雷長空灑滌日月伏遠浦擊
汰鼉鼉迴披襟有客踞峰頂下瞰萬頃如一杯金

蟬小島浪花裏狂瀾作柱猶崔嵬天風浩浩肆鼓
邊兩腋蓬勃何雄哉乘風我欲到元圃願挾盧敖
遊九垓青螭桀驚不可馭側身東望空徘徊妖蜃
播靈競幻化滄溟忽闢金銀臺飛仙羽士控鸞鶴
珠宮貝闕疑瓊瑰眼前此景許誰道元虛一賦眞
奇才昔者巨君竊漢鼎赤眉曾此屯渠魁西行入
關走更始提挈盆子如嬰孩白水眞人坐高邑迅
埽六合無氛災鐵脛銅馬已泯滅尤來大槍俱破
摧茲山尙得名謝祿不與囂述同蒿萊田橫島連
呂母固至今魚鼈猶生哀海濱自古稱盜藪鯨窟

海州文獻錄

卷二

羣山

十

安得揚塵埃分爭割據底足問鯤鵬蜉蝣皆劫灰
俯仰宇宙三歎息浩歌擊劔傾尊壘

鳳凰山漢書昭帝本紀始元三年冬十月鳳凰集
東海遣使者祠其處山之得名當以紀瑞應也顧
志謂兩山東西對峙如鳳展翼故以名山其說本
於故老相傳未可爲典要

巨平山元和郡縣志太平寰宇記皆有此山方輿

紀要州北三十里

按當作東海城北三十里

一名由吾峰案峰

名由吾當因北齊由吾道榮曾居此山也

石礪山卽東磊前明時稱爲南磊

國朝黃申瑾雲臺圖稱爲鐘鼎土人呼中頂顧志在
北溝浦上其山層巒疊嶂怪石嶙峋雖坡阪中悉
如鴟蹲龜伏無畎畝原隰可耕山農於石室空中
種瓜芋以餬其口近有櫻桃千餘本雜以諸樹紫
翠爛然亦春遊佳境也

唐仲冕東磊銘

陶山
文錄

黔羸胚儻忽鑿爪盤陀蹠磊落重黎熙靈焉託巒
箴篁肱橐籥暘晉嶠吳朝壑夔虛遂馮螭躍圭郁
東聖產博勒棧齮世懿鑠

師亮采東磊銘

禹門
文鈔

海州文獻錄

卷二

羣山

十一

鬱林礪石虎兕臚西揖積石東蒼梧碌碌珞珞海
欲枯鞭山走鐸萬石逋祖龍始帝立石胸七十二
碑蛟龍趨金剛菩薩緘筴肱召縛鬱律收神荼夔
魑磴磕村畱呼盧敖掖我海若扶御彼織阿來靈
圍忽入暘谷陟石閭丹房燭日朱霞舒水仙喟息
鮫女噓青腰乘弋桂襜褕伏虺蕩莽滓穢除風行
水息恣我如騎龍跨鳳牽厥裾金雞玉犬風雲驅
天鐘天磬天鼓俱扶桑東背虞淵墟延康赤明龍
漢初三元上帝金籙圖錯珠間玉敕水符三重石
室崑崙都眞形五嶽不可摹函以青玉簡黃櫨左

龍右虎青泥塗日魂月魄陰陽爐三十六天風雨
麤天氳地氳萬物郭鯨魚拍浪人乘桴龍樓廡市
須臾無我來東磊呼天吳手招旋波舞提謨陶山
作銘三字姝金科玉篆體不拘我之與公蛩駞驢
七言入石字字癯一銘再銘德不孤

唐仲冕奉檄重至海州十二道之一

陶山詩錄

雲臺陳俊輒先歸

謂參戎陳雨峰

跨鶴相迎揖羽衣一路

泉從銀漢落半空山作錦屏圍雨餘攀磴捫青壁
醉後和雲宿翠微指點桑田沙嶼外十洲帆影到
巖扉

海州文獻錄

卷一

羣山

十二

王良士東磊

煙霞萬古樓集

樓而出樓而入兩手摳衣去齊尺入而俯出而仰
拾級聚足連步上入從井公井出從壺公壺但知
其宮如水晶不知其谷如葫蘆陰平鄧艾何爲乎
從天而下周亞夫磊磊硤硤萬石臚黑甜鄉中有
無我有混沌譜來與陳搏圖

畱雲嶺舊名虎口嶺一名湖口嶺在沃壤山東與

黃泥嶺相對爲入宿城要路道光乙未陶文毅公
駐節法起寺改名畱雲嶺

陶澍海州畱雲嶺

陶文毅公集

爲霖四海心處處望雲駐仙山海氣深此是畱雲處

宿城山諸峰矗兀環抱如城潑翠浮青中時有白

雲動盪

唐仲冕奉檄重至海州十二首之一

陶山詩錄

山靈礮石待銘刊蘸筆滄洲興自閒澤草芒生橫

海堰禪房花發宿城山天池南徙無休息雲將東

遊又往還咫尺蓬壺風引去成連他日滌塵顏

南固山卽墟溝南山爲沃壤山陰中峰有獅崖直

下二嶺中分一礪墟溝城卽環抱二嶺礪居其中

海州文獻錄

卷二

羣山

十三

故名墟溝

北固山卽舍利山在墟溝營西里許

鳳凰崖自舍利山東折爲鳳凰崖昂聳如鳳

黃窩山一作皇窩山流俗相傳唐太宗東征經此

崔應階雲臺山志作皇窩謂唐太宗駐蹕處今土

人呼爲保駕山案漢昭帝始元三年鳳皇集東海

皇窩之名或由於此

高公巖道光乙未夏陶文毅公巡海州登此巖題

名石壁詳見金石門

唐仲冕重九登高公巖望海

陶山詩錄

登高須登海上山望遠須望海邊天山不在高高
臨海海不必遠天無邊雲臺之北高公島海水平
低天亦小島內沙田日日增海中之水年年少灘
行真自海中來襟袖微霜拂清曉秋生杖外煙霧
開潮湧腳底風霆繞我窺溟滓欲乘潮龍宮貝闕
呼潛蛟不摘驪龍頷下珠下探鮫女室中綃但願
修鱗巨鬣騰波濤倒翻海水流隰皋爾如僵臥不
肯起借我神馬傾天瓢

朱紫山徐衡神仙鑑徐洪客居海州獅子巖戲以
浴丹水潑近處山上紅壁丹崖遂名朱紫顧志嘉

海州文獻錄

卷二

羣山

十四

靖前離海濱三四里近被潮侵入海內今按朱紫
山因五洋湖淤平已在陸地

秦山一名琴山以山形似琴也俗名奶奶山顧志
去墟溝西北二十里有碧霞宮有僧守之今按
山名秦山後因春融屢見樓臺人物之狀與登萊
海市無異又名神山每潮落山根露石道橫展東
西雖驚濤不嚙江南通志所謂神路是也舟行經
此者須俟潮滿否則損舟今廟祀關聖帝君及寇
萊公海忠介公不知始於何時而香火之盛以碧
霞元君爲主山多紫竹冬十一月山茶花盛開有

石筍二各高二三十尺

謝元淮遊秦山養默山房詩鈔

翔陽逸析木雲錦翻晴瀾挂席出青口艤棹登秦

山蒼岳瀆滷氣白玉堆荒灣山前暮子灣產白石圓潤如玉兩峰

仰並峙一徑容孤攀終古罕人蹟來往蓬壺仙中山

乏水四無居人樓閣疑幻境上有望海臺蛟蜃蟠重淵異哉秦

皇帝刻石扶桑邊山東二石如人下有秦始皇石刻按水經注碑高一丈厚一尺

三寸鐫七字大如斗又按地道記云海中去岸百九十步有秦始皇碑高一丈八尺廣五丈厚八尺

三寸一行十三字潮水至加珠臺既泯沫海神獻其上三丈潮去則三尺見

珠於此有受珠臺神路空蜿蜒山南有神路長二十里皆石砌成直達南岸志載

海州文獻錄

卷一 羣山

十五

始皇所築今出水者三四里闊四五尺土人以琳此山為龍北有龍頭石龍爪沙此為龍尾良肖

宮久傾圮山人呼奶奶廟雞鳴叢竹間滿山細篠土人祀女廟

出竹間皆燒香人山茶飽含萼花木餘秋妍山上多所放啄菹日莛

冬夏常青志云自南方徙來故多南方草木焉知長生草不產巉巖巔

如何不死石蠕動趨醯酸山中產郎君子形如半豆色白微紅各有雌雄

俗名醋鼈置醋中則蠕行求偶云能催生徘徊戀幽嶼縱目天宇寬東

決盡日本北驚連三韓潮平晚風急引我扁舟還

滄波重回首縹緲生雲煙

謝元淮由臨浦渡海夜旋秦山醉歌養默山房詩鈔

洪荒之世幽邈莫能名大壑歸墟乃得神禹鏟決

墾鑿而後水土平洩湮迤涎浸八裔其爲廣大也
吾不知幾千萬由旬但見迴地軸激天輪沐日浴
月噓噏百川無滿盈我聞蒼蒼者天空無質乃是
氤氳積氣之所成日月五星自然浮生空中行地
爲圓毬小於日如豆在脬如丸走槽大氣包舉虛
懸天中心萬國人民飛走動植周遭附地以自生
海水合於地隨地旋轉相迴潑重有重心地心爲
重之最重水性就下地心吸之如磁石引鍼故能
依附環繞不致滂溢而倒傾寰中昏旦勢難一陽
鳥見處天斯晨此間夜半彼正午各從日景早暮

海州文獻錄

卷二

羣山

十六

以定子丑寅卯十二辰日在地下光芒反射地球
隔之背生虛闇成黃昏暗影遠逾狹以至於無爲
尖形月與諸曜借日光明惟月近地有時食餘曜
高遠暗虛不及恒露其星星其爲狀也若此異哉
坤輿廣厚孤寄宇內何伶仃僅如彈丸拋入千石
玻璃瓶四面羅列千國復萬國中國在地已若黑
子之著於人身吾身高不滿七尺芥舟遊戲奚啻
恒河一沙天沼一浮萍我欲徜徉八極上遨太清
直至天外天盡處搜剔爬梳是否蔥頭琉璃層層
之相因天形如卵壳壳外終應有止境得毋渾蓋

宣夜泰西之說俱窮而難憑——探討書諸紳乃
遊天之內地之外較量天地相去幾千萬里零日
何以昭昭月何以冥冥五星衆曜何以大小高下
各垂光熒熒蒼穹之色何以萬古不改常青青然
後巡地一周大章所未步豎亥所未經莫不身親
目擊求其真歸語後世談天者流咸解大惑一歸
於精純噫嘻乎天門蕩蕩不得階而起身無羽翼
不可以飛騰壽非松喬不能與造化爭人生萬事
貴白適况值今朝風日晴朝發郁洲夕濟蓬瀛明
月皎皎東方昇帆檣容與波浪不興舟人漁子南

海州文獻錄

卷二

羣山

十七

徂北征一山孤立何峻岫當年秦帝於此朝蟻馮
錦帆卸桂橈停歸風自反寄椀扶桑津水光蕩漾
無邊垠於是舉觴對月扣舷而歌若出金石聲歌
日山蒼蒼兮水泓泓天漠漠兮風泠泠泛月楂兮
遊滄溟天吳眇睨而遠望兮海童冶夷而潛聽喜
文鯨之灑灑兮駭橫海之奔鯨狎鷗鳥之忘機兮
嚇垂天之雲鵬與其雷响電激屑沒於蛟龍之窟
兮吾將臨深以兢兢或飛行壺嶠兮或趄起於風
塵或偃仰煙霞兮或魚鰕以爲鄰亦隨遇而自安
兮泊乎若鳧鷖之與鷓鴣頽然徑醉於鷓首兮天

風吹之以徐醒度越千秋萬載兮固將樂此而忘情

鷹遊山與宿城山相對中寬十餘里長二十餘里

均係泥灘雖潮落舟淺不致損壞潮枯時深不過五六尺潮長則深二三丈矣

唐仲冕鷹遊門

陶山詩錄

南城復北城使海于有蔽東壘復西壘裨海環其外中有鷹遊門洋線畫疆界前明政不綱姦冗通夷裔寇攘莫能防漁樵無所避

國初遷其民裁之爲棄地承平波不揚遺黎每垂涕

海州文獻錄

卷二

羣山

十八

恩詔許復還田園重樹藝經今百餘年武尅不忘備斥堠既增修營伍常守衛巡邏兼會哨巨艦修且製歲費水衡錢不足責文吏那知船置灘徒爲風日敝豈有意外虞所惜在循例我因閔雨來窮壘察彫瘵浮海人所難聊以鼓士氣人言官涉險總爲民圖利返躬一循省向若屢驚悸山田春亢暘二麥不吐穗海洲魚鮪淖網戶空擊汰幸當極盛時尙未遂生計是誰之過歟責人則已易失伍毋乃多敢問執戟隊

謝元淮登鷺遊山

養默山房詩鈔

山在青口東六十里大海中遙峙洪波與宿城
諸峰相對中寬十餘里狀若天闕俗稱鶯遊門
壬辰閏九月四日巡哨海面登秦山以瞭外洋
遂乘潮抵山下會日暮不及登明日始得周覽
其勝兩峰聯起上矗霄漢西曰西連島漁戶數
百家環山高下重疊而居西南支嶺突出海中
者曰晉架嘴踰嘴二里幽塢中有蘭若曰鎮海
寺岡巒迴複林樾森環寺前爲廟前灣乃海船
聚泊待潮避風之所寺後山高三四里東一峰
尤巉峻總名鶯遊山又東爲東連島共長二十

海州文獻錄

卷二

羣山

十九

餘里其南岸自竹島鴨島西墅墟溝沃壤黃窩
東陬西陬諸山縣亘八九十里奇岫疊出爲雲
臺外障與鶯遊對峙中開一門誠天生扼要海
隅巖疆也外接重洋茫無涯涘山中魚鰕極多
水薪尤便云

暫弭秦山棹遙望鶯遊門潮落山逾峻雙闕排天
閶帆歡勁風滿破浪如追奔下旋海月黑濤聲終
夜喧掀簸不成寐推篷已朝暾躡屐踏霜露到岸
意轉欣漁莊聚西島層疊自爲村連峰鎮澗溟濯
滌絕埃氛沃壤近可接暘谷邈無津空餘釣臺古

千載思垂綸

孫家山下石壘曰釣魚臺對渡十里即罾架嘴

楓格隱蘭若

落葉埋秋根

山中多格樹狀類槐榆

粥魚自清靜何事勞風

塵設險古所重形勢非空論扶桑挂繁弱豈復憂

鯨鯢裁海事已往

須治十七年裁海劃雲臺山置界外

復山回陽春

康熙十六年復為內地

耕釣遊世外吾思山中人

開山在鷹遊山東北其下驚濤濁浪浴日排空維

舟被風者或一至其處道光庚寅江南河道總督

張公井以巡視海口泊舟開山下賦詩紀事

張井道光庚寅五月十一日自黃河口出海夜泊

開山紀事

二竹齋詩集

海州文獻錄

卷一 羣山

二十

海於天地間厥大無與配况茲納洪河翕受尤所

賴自我持使節沿委累擊汰望若亦奇觀恨未極

汪濊每思趁潮行爭進垂堂誠此願雖暫虛此心

如負債有沙號攔門蓄疑自老輩云能阻河流於

今患滋大我意殊不然欲語還齟齬閱歷非躬親

詎堪排羣喙吉辰禮明神果行取諸夫嚮導得老

漁途徑悉大槩輕舸循長隄徐出北尖外隱約望

南尖回環細縈帶須臾兩不見舟行正沙背測深

止數尺盼廣靡所屆東指閩王鼻

即沙盡處舟行近此輒覆故名

陡絕懸高瀨茲地真尾閭亘古聞澎湃黃河流挾

沙海潮距而會鹵氣有融結沙水儼分界年深沙

日遠至理豈云悖昔之攔門灘在今兩隄內今之

絲網浜海邊漁戶所居外徙屢闖闖萬里日朝宗何處來

障閼景曠心爲開風正帆初挂向聞東南傾今作

西北邁東行卽入大洋不能收口縹緲三神山荒唐六鼇戴水

光雲氣中入眼無纖芥瀕洞坤軸湮浩漾天宇隘

四顧失憑依駭極翻大快晡日射遙波明鏡忽破

碎飛舞萬金蛇儵歛弄狡獪又若干電光炫爍鮮

定熊卻想虛無底宮闕紛珠貝神仙定有無佚事

侈傳載篷腳俄欵斜洪濤噓遠籟勢疑山奔頽聲

海州文獻錄

卷一 羣山

二十一

訝軍橫潰砰礚震雷礮簸揚輕秕稗童僕苦顛嘔

舟子色死敗深恐驚蛟虯搖手不得話暮色轉蕭

森陰雲覆霽未愁來日雨攝意向暝晦蒼茫二

儀昏肸鬩百靈對髣髴陰火然黝窅族精怪天意

渺難知生理誰敢愛開山破浪來微軀始得丐夙

昔輕波濤斯行奇乃最豈曰逞壯遊所期破荒昧

招尋同來舟遙語隔煙靄出險各心安命酒賀身

在舉盃酌陽侯海寬容萬派淮水久不歸一瀆已

先壞汎濫揚楚間厲民無乃大方今轉漕急河滿

湖斯害畫地少應龍茨防空狼狽安得資神力決

流注滄沛蕩滌其沙泥清高黃亦殺雲帆迅若飛
蔀屋多藏蓋上寬

聖主憂下蘇民彫瘵清宴樂千年榮光燭兩戒

陶澍次韻和張芥航河帥并自黃河口出海夜泊

開山口作

陶文毅公集

五行水生一浩浩天與配奠定自姒王距海功永
賴泥橈而山樛跋涉多凌汰疏瀹息洪流肯受沙
石濊一自河南徙宣瓠時有誠水衡鉅萬貲但償
河伯債白圭何代無高議凡幾輩河渠與水經兩
口哆然大函人矜爲甲衣之乃苦齟未曾一葦杭

海州文獻錄

卷二

羣山

二十二

底用三尺喙張侯秉節來時正分妬夫十指錐畫
沙寸心量就槩勤周籠舌餘備溢芟玉外攬轡矢
澄清滄瀛瞭襟帶頻年駐清浦曲直審向背淮徐
邳宿閒何處不躬屆黃流飽中脘弩勢激迴瀨聞
有攔門沙尾閭阻澎湃心雖不謂然境未與目會
遂泛沙棠舟直指蓬溟界海若果爲梗無難檄其
悖譎言笑耳食外沙不侵內河流自挾沙積漸已
成闡因悟排決理洞徹了無閼業已兩尖出何弗
一帆挂鼓勇挾雲奔飛柁遂電邁乾坤一搔首惟
見斗筐載蒼茫滄泱決間坳堂渺杯芥方知鵬徙神

益信蛙居隘瞬息數百里風穩桅檣快三山與十
洲恍惚青浮碎蜃郎挈龍女倉卒失黠獯奇絕不
負游驚定還作態縱筆展蛟綃組詞麗島貝緘題
遠見貽舟誼感共載猶憶丙戌春海運趁新籟其
時高堰隄因風已忿潰神倉啄飢鳥奚暇論美稗
賤子蝨負孱集謀期起敗爰尋遼左途更續瀛洲
話初日出神山萬里開黠霽振衣上高臺海氣盪
蒙晦舳艫轉余山鍼路南北對閃灼朝百靈翕戢
狎羣怪蓬壺琪樹邊望影多可愛蓮疑太乙乘靈
已風伯丐頗饒唱和篇傑句幾人最

拙作海運初
發登吳淞礮

海州文獻錄

卷一

羣山

二十三

臺四首和
者成帙

往事浮雲非遺蹟桑田昧頻年牛斗閒

佳氣矚卿靄仙槎任往來恃有張騫在旣欣漉沈
菑復此討流派氣壓鯨波橫力拄鼇山壞此行小
天下險若山登太因知爲水難曠觀窮利害竊惟
河與漕相倚如駟狽治河必以淮滌刷流可沛治
河尤以海建瓴勢始殺有侯拯鴻波許我偃虬蓋
東南財賦區曷以蘇困瘵更望經

國猷政成資夙戒

羽山胡肫明禹貢錐指漢志祝其縣南有羽山杜

預左傳注亦云在祝其縣西南縣之故城在今贛

榆縣界面隋志胸山縣有羽山元和志云羽山在胸山縣西北一百里又云在臨沂縣東南一百十里與胸山縣分界胸山今海州臨沂今沂州也近志郟城縣東北亦有羽山接贛榆界齊乘云羽山舊在胸山縣東北九十里今屬沂州在東南一百二十里時郟城未復故在州境也諸說不同要之此山在沂州之東南海州之西北贛榆之西南郟城之東北實一山跨四州縣之境也明一統志云在贛榆縣西北八十里則誤矣

馬嶺山魏書地形志建陵有馬嶺山建陵爲今之

海州文獻錄

卷二

羣山

二十四

沐陽縣地

武都山魏書地形志服武有武都山服武爲今之

沐陽縣地

吳山魏書地形志懷仁有吳山懷仁爲今之贛榆

縣地

萬山在沐陽縣治東北五十里爲鄉賢明雲南兵

備副使仲公選讀書處

明汪文盛序萬山蓁斐軒文鈔

我武昌太守沐陽仲先生嘗學道萬山中有得自言曰直者吾得以爲方曲者吾得以爲智岬然者

吾得以爲邃窪然者吾得以爲宏崑而粵者吾得
以爲節劣而削者吾得以爲奇其摩蕩峻極之勢
可以作吾氣其開闔變化之狀可以發吾文其生
育植養之功可以推吾仁其升降欹正之形可以
固吾守遂於是號萬山白泉子聞之曰山之爲言
宣也所以含澤布氣調神也夫山之道虛以迎之
卑以藏之儉以制之崇以臨之厚以附之銳以達
之靜以止之危以奠之慎以出之積以實之時以
旋之利以通之質以相之潛以域之純以瑩之故
君子之學豐神足以養身體順足以固志收斂足

以植樞發動足以振衆闡幽足以應時含鬱足以
布大麗明足以謹用悚凝足以厲戒無我足以定
動果行足以涵育廣厚足以承載崇高足以覆冒
知幾足以利進忘私足以亡悔斂之崔嵬甸其道
矣蘊之痺虛拖其緒矣幽攤物象以定摹矣彌陶
虛無以輿薪矣昭遠倍近以邂逅矣吐黃酋白以
利見矣道義之辟以自守矣大埵之震以自衛矣
唯否作基冥有孚矣雖大不勤難無間矣藏心於
淵美靈根矣用光於階減真疾矣槃石之固不化
物矣宰割之平能有成矣譽命之來用逮上矣善

說山者莫如易是故澹施鐵德存乎謙寢好更生
存乎小過濟時利物存乎蒙吐岑達銳存乎漸昭
職勉物存乎蠱雲行雨施存乎頤精微往來存乎
咸盈虛耗息存乎剝忠信敬恤存乎旅飭躬勵行
存乎蹇懲忿窒慾存乎損博滿碩施存乎大畜察
變成化存乎賁動靜光明存乎良好惡湛一存乎
遯或問萬山之政曰兼體達諸用曰體謂何曰獻
謨而經猷不虛乎抑遏而埤毀不儉乎範才而効
良不卑乎提綱而挈領不崇乎究隱而詢瘼不厚
乎憫愚而扶傾不達乎守一而居貞不靜乎奉業

而提制不危乎敬刑而簡法不愼乎日新而時程
不積乎見可而知難不時乎滌穢而剔垢不利乎
勤本而蓄衍不質乎內嚴而外寬不潛乎天近而
人遠不純乎用謂何曰虛則見其量日宏而善日
擴焉卑則見其高者下而罄者與焉儉則見其匪
躬力而勁氣著焉崇則見其居官理而治效章焉
厚則見其荒蕪闢而疆場整焉達則見其善人安
而猾賊匿焉靜則見其舉動肅而號令森焉危則
見其役智周而慮事備焉積則見其言行美而文
采昭焉慎則見其大者研而小者斷焉時則見其

操者張而縱者弛焉利則見其壅者決而紛者解
焉質則見其教化成而風俗美焉潛則見其君子
吉而小人否焉純則見其膏澤究而頌聲作焉曰
萬者數之盈也山者物之極也履盈思益履極思
亢奚兼體而達諸用也曰六十四卦雖乾坤多吝
詞惟謙吉十五卦說山多吝詞惟謙吉夫山之極
而不反盈而不傾者謙爲之地也萬山名進士名
御史名太守也奕世載德不啻配於前人予見其
才高而心每自下政成而功不自居謙矣保終令
譽穀均疏也體信達順得中行也自天祐之大有
慶也盈極之臻說無疆也萬山嘗從事心學夫心
學莫先於易故始終以易言之